

Lund UPS AND 1463

I. N. D. O. M. o. N.

Dissertatio Gradualis,

Continuationem Disquisitionis

De

Diversis modis tractandi Disciplinam Moralem in Academiis, Exhibens,

Quam

Consensu Ampl. Senatus Philosophici in Regia

Academia Aboensi

Præside

Mag. JOHANNE BILMARK,

Histor. ac Philos. Praet. Professore Reg. & Ordin.

Publico Examini modeste submittit

GUSTAVUS ASP,

Satacundensis.

In Auditorio Majori Die XIII Junii Anni R. S.

MDCCCLXXXIX.

Horis ante merid. consuetis.

Aboë Typis Frenckellianis.

Viro Plurimum Reverendo atque Praeclarissimo,
Domino ANDREÆ ASP,
Pastori Ecclesiae, quæ Deo in Karcku colligitur,
Meritissimo,

PATRI CARISSIMO,

Quam Frater meus dilectissimus incepit, sed ad aliam evocatus statio-
nem, absolvere non potuit Disquisitionem de variis modis trattandi Di-
sciplinam Moralem in Academiis, ego, argumenti præstantia allelus,
continuavi, measque qualescunque lucubrationes Tibi, PATER CARIS-
SIME, ob ingentia in me collata beneficia pietate, quæ ingenuum decet
flium, humillimus offero. Suscicias, enixe oro & obtestor, serena, ut
affoles, fronte hoc munuscum, animi in Te gratissimi pignus, meumque
Tibi placendi studium, quod certe est intensissimum, ne dederis. Ego
vicissim ardentissimis Summum Numen defatigabo precibus, velit canis
Tuis vigorem addere juvenilem, ut Ecclesiae commodo, & omnium no-
strorum, qui Tui sumus, votis per longam annorum seriem fessas atque
insolumis sufficias. Ita ex imo vovet pedore

PATRIS CARISSIMI

Filius obedientissimus
GUSTAVUS ASP.

§. X.

In scenam orbis erudit prodiit deinceps Philosophia sic
dicta Scholastica, eam in Scholis & Academiis nacula
auctoritatem, ut illius Doctores prima utrobique tenerent
subsellia, & amplissimis, quos excogitare potuit adulatio,
insignirentur titulis. Fallitur autem quisquis crediderit,
celebritati nominum paria fuisse horum Philosophorum
in litteras merita. Dudum enim constitit, cardinem Phi-
losophiæ Scholastice in eo potissimum verti, cum ut ve-
rus Sacrarum litterarum sensus ad Aristotelis placita ac-
commodearetur, tum vicissim ut dogmata Stagiritæ non
satis intellecta, ad Sacrum codicem infleterentur, ac ob-
torto quasi collo traherentur. Philosophiam Theoreticam
in deliciis præcipue habuerunt Scholastici, sed qui ad mo-
ralia in Academiis proponenda aliquando sunt digressi;
verum quum nulla certa disciplinæ moralis ponerent
principia, sed hæc partim ex Scriptura Sacra, sæpe minus
recte intellecta, partim ex jure Canonico & Civili, prout
commodum ipsis visum fuit, desumerent, de moralitate
actionum humanarum non potuerunt non parum sobrie
ratiocinari, certitudine moralium in eorum scriptis regu-
lam quandam Lesbiam æmulante. Præter hæc quum no-
tionibus abstractis & universalibus præcipue occuparen-
tur; Ethicam quoque tot barbaris deformarunt terminis,
& vasta distinctionum nube adeo involverunt, ut, quæ
ad humanitatem tota tendit disciplina, sub horum De-
ctorum auspiciis nihil cum genere humano commune
A habe-

habere videretur, sed habitum indueret plane Metaphysicum; quare etiam hanc Philosophiam famoso nomine appellarunt Metaphysicam. In Academiis admodum fota fuit hæc Philosophia sub patrocinio Hierarchia Pontificiæ, cui stabilienda ex sua magnopere inserviebat natura, quippe quæ inter ignorantia tenebras & superstitionum præstigias increvit. Vinculis autem hominum intellectui ac conscientiæ injectis, per felicem & diu desideratam Ecclesiæ Christianæ reformationem disruptis, Philosophiæ Scholasticæ deformitas ac vanitas magis magisque apparuerunt, & cordati viri, in aliena jurare verba nescii, sensim animadverterunt, quod Philosophia sæpius dicta traderet res nullius fere in vita communi usus, eruditioisque ita turbaret circulos, ut juvenes ex Scholis & Academiis, quæ bonarum litterarum ac virtutum constituta sunt officinæ, non tam excultam mentem atque emendatos mores, quam potius tortuosa ingenia atque pertinacem disputandi pruritum reportarent domum. Quam graviter Imperator Germaniæ MAXIMILIANUS I tulerit socordiam educationi suæ præfecti PETRI, postmodum Episcopi Neoburgensis facti, a quo exsanguem tantummodo Philosophiam Scholasticam puer didicerat, forte fugit neminem. De Principe, ad humanitatis studia nato formatoque, Svetiæ Rege gl. m GUSTAVO ADOLPHO constat, quod per constitutiones Academiae Upsaliensi datas, Professoribus imprimis Philosophiæ injunxerit, ut disciplinas suas clare & perspicue, sine omnibus prorsus Scholasticorum perplexitatibus, Metaphysicisque speculationibus, tricis & subtilitatibus juventuti proponerent, inque eis tractandis ordinem & methodum Socraticam sive Ramœam accurate tenerent, nec a rebus ipsis unquam temere recedent. Cui statuto ut majus adderet robur, publico edito omne Metaphysicæ studium cum Logicali vanitate ita ex suo regno

regno exterminavit, ut nemo Bibliopolarum sub pena confi- scationis tales libros importare, aut subditorum quispiam legere aut cognoscere auderet, ne nova barbarie regnum fa- scinaretur, aut ille in rebus gerendis disputationes & glossa- tores vanos pro negotiorum effectoribus nanciseretur. (a). Quum vero Eruditi in coeno Scholastico hærere nihil minus pergerent, Excellentissimus Regni Senator & Aca- demiæ Upsaliensis Cancellarius &c. Perillustris Liber Baro D:rus JOHANNES SKYtte, gravissimam in suarum Camenarum delubro die XIX Novembr. An. MDCXL orationem habuit Latinam, in qua juventutem Academi- eam a studio Metaphysicæ seu Philosophiæ Scholasticæ de- hortatur, & contra ea Methodum commendat Socrati- cam. (b). Quamvis autem scabiem Scholasticam acri fatis lixiuio abstergere plures conarentur eruditi, factum ta- men est, ut doctrina Scholastica in Academiis Patriæ no- stræ diu viguerit, in Papisticis quibusdam nondum penitus exoleverit. Quid? Quod Philosophiam Scholasticam Moralem, promeritis involutam tenebris, in orbem litterariorum post liminio revocare annis fuit P. Anselmus DISING, Be- nedictinus congregationis Bavariæ ex Monasterio Ensдорff, in juris naturæ Larva, detracta compluribus libris sub ti- tulo juris naturæ prodeuntibus &c (c); in quo libro Her- culæ hic Monasterialis Viros Celeberrimos, nominatim PUFENDORFIUM, HFINECCIUM & WOLFIUM, ut pygmæos despicit; quanto autem magis hic ingenii for- tus suo placuit auctori, tanto minus aliis qui ultra Ari- stotelem & Scholasticos meliora sapere didicerunt, vehe- mens hic satisfecit disputer.

(a) Quum Regiam hanc constitutionem ex Johanne Angelio Werdenhagen cift Perillustris L Baro JOH. SKYTE (vid. NETTELBLADI Schvedische Biblio- thec

*tbec Pars IV p. 130), rerum a Rege GUSTAVO A. DOLPHO gestarum optime gnarus; dubitari non potest, quin eadem publicata fuerit. Nominat quoque eandem REIMMANNUS in *Histor. Litterar. Tom. IV. p. m. 106. not. n.**

(b) Vid. Orationem hanc in *NETTELBLADI Libr. cit. p. 122 & seqq.*

(c) Prodiit hic liber Monachii an. MDCCCLIII in folio;

§. XI.

Ad liberandas Musas a servitutis Scholasticæ jugo operam maximi momenti attulit FRANCISCUS BACO, Liber Baro de Verulamio, majori prædictus judicio, quam ut in vaniloquentia Eruditorum sui ævi acquiesceret, & eminentiori positus honorum gradu, quam ut Scholasticorum, qui principatum in republica litteraria adhuc tenebant, extimesceret indignationem. Ipsi autem non erat propositum, juvenes, litteris operam navantes, docere, verum ipsis potius Doctoribus facem præferre, cuius opes & impedimenta, sibi in stadio eruditionis objecta, perrumperent, & viam indagandæ veritatis invenirent aptissimam. Quid in Ethica præstiterit, commonstrant cum Liber VII de dignitate & augmentis scientiarum, tum Sermones fideles Etbici, Politici & Oeconomici, sive interiora rerum, ut alios ab ipso conscriptos tractatus reticeamus; quos qui pervolverit, facile animadvertiset, quod rigorem methodi systematicæ non sequatur, sed cogitationes suas de rebus, ad Philosophiam pertinentibus, prout tulerit occasio, eo tamen, quo admodum polluit, judicio ac candore, aperiat.

§. XII.

§. XII.

Interjecto tempore HUGO GROTIUS, Belga, Virorum Illustrium commotus exhortationibus, cancellis *metiocratias* & undecim virtutum ab Aristotele determinatis, egredi ausus, Philosophiam Moralem in eum rededit ordinem, ut Jurisprudentiaæ naturalis Instaurator passim haberetur. Notissimus est ejus liber de *Jure Belli & Pacis*, in quo tam officia hominum, in diversis statibus, quam controversias inter Principes nec non inter alias aliasque Nationes saepius agitatas, quæ frequentibus occasionem præbuerunt bellis, non ex jure Justinianeo aut Canonico, sed ex principiis Juris Naturalis decidendas esse, docuit. Caute admodum procedebat, & ne crabrones irritaret Scholasticos, qui multum adhuc tam in aulis, quam in Republica valebant Literaria, ostendere nitebatur, se ab eorum placitis totum non abhorrente. Licet autem Grotius spartam, quam in se susceperebat, ex multorum Eruditorum judicio exornaverit, disciplinam tamen Practicam, omnibus numeris absolutam, posteris non tradidit. Ut enim silentio præteream tam stili multis in locis obscuritatem, quam quod in belli magis, quam pacis, studia suum direxerit acumen, parum solitus fuisse videtur de genuinis suarum propositionum demonstrationibus adferendis, sed aliquid juris esse naturalis probaturus, ex seculi sui vitio nimis est operosus in conquirendis Auctorum, partim Græcorum, partim Latinorum testimoniis; quibus addo, quod lumen Revelatum ac Naturale ubique fere milceat. Receptus tamen plerisque in Academiis fuit hic Grotii liber, contigitque ei, quod pridem Aristoteli, ut disciplinae Moralis Professores in opere de *Jure belli & pacis* interpretando atque explicando suam potissimum colligarent

erant operam, nucleus tanto melioris frugi inesse dostrinæ Grotianæ existimantes, quanto eam invenirent obscuriorem, paucique proinde essent, qui disciplinam, a Belgico propositam Philosopho, per culturam suæ rationis provehere sint annisi. Papisticis haud acceptus fuit hic Liber, a sacra Indicis congregatione Romæ an. 1627 in numerum prohibitorum librorum relatus. Neque enim, ut loquitur BOEHMERUS (a) consultum videbatur aulæ Romanæ, quæ pristinam reciperen integratatem, quia ita de potestate Cleri actum fuisse videbatur, qui se extulerat supra omnem potestatem, & novam ac plane monstrans in singulis rebus publicis in ruditate seculi exstruxerat, ut non posset non e re aulæ Romanæ esse, libros optimos suppressimere & sedulo Laicis inculcare, rationem humanaam captivam ducendam esse sub obedientia Ecclesiæ Romanæ.

(a) Vid. *Eiusd. Jus Publicum Universale* p. 110.

§. XIII.

Quamvis Renatus DES CARTES seu CARTESIUS emendationem totius Philosophiæ meditaretur; speculativis tamen & abstractis, non ut Scholastici antea fecerant, se potissimum tradidit disciplinis; quo factum est, ut in Philosophia Practica parum præstaret. Regulæ ejus *Morales*, quas in *dissertatione de Methodo* legimus, peritum disciplinæ Moralis doctorem non produnt: & liber, quem *de passionibus animæ conscripsit*, ad Physiologiam potius, quam ad Philosophiam Moralem est referendus: quippe in quo, ut videtur, experiri voluit, an ex Physica defundi possent certa & evidenter in Moralibus principia. Hoc tamen Cartesii Schediasma gl. m. Reginæ CHRISTIANÆ adeo placuit, ut auctorem ab exilio Belgico in suam voca-

vocaret aulam, nec dedignaretur, ab ipso in disciplinis quotidie instrui Philosophicis (a). In Academiis quoque præcipue Patriis caput magis magisque exseruit ejus Philosophia; renitentibus licet Theologis, qui Religioni Christianæ valde metuebant, si Aristoteles Gallico cedere cogeretur Philosopho (b).

(a) Vid. *Eloge de Des Cartes par Mr. THOMAS bujus operum Tom. II. p. m. 172.*

(b) Vid. Nob. LÄGERBRINGS Samling af åtkilliga bandlingar, &c. Andra Delen p. 30 & seq.

§. XIV.

Expectationi eorum, qui absolutam magis, quam qua hactenus respublica litteraria gaudebat, doctrinam desiderabant Moralem, nondum vel per GROTI opus jam commemoratum, vel per THOMÆ HOBBESII, Malmesburiensis, *Elementa de Cive*, ut alia, quæ superiori seculo prodierunt Scripta Moralia reticeam, fuisse satisfactum, satis comprobant crebræ Virorum Illustrium Epistolæ, quibus præstantissimos per Europam Philosophos excitabant, ut *Jus Naturæ* & gentium in justæ discipline formam elucubratum orbi exhiberent erudito. Tanto operi manum impiger admovit Academiæ Lundensis Professor, SAMUEL PUFENDORFIUS, & in Philosophiæ Moralis commodum scite convertit quicquid vel ad probationis nervum eslet idoneum, vel ob sententiarum pondus haberetur elegans, quicquid tam ex Classicis collegerat Scriptoribus, quam in suis animadverterat Prædecessoribus, utrosque in campo, quem sibi sumiserat emetendum, multis post se relinquens parasangis. Vix autem opus ejus de *Jure Naturæ* & *Gentium* publicam ad pexe-
rat

rat lucem, cum Lectores inveniret partim placidos, qui non minorem libri hujus soliditatem, quam stili elegantiam admirarentur, partim turbulentos, qui invidiae oestro perciti, & Superos flectere & Acheronta movere tentarent, ut hunc Philosophiae Moralis Doctorem, cuius industriam non possent adsequi, ingratiis Musis omnibus oppimerent. In utroque suo opere, tam majori de *Jure Nature & gentium*, quam hujus compendio de *officio hominis & civis*, nec methodum Mathematicam, procul dubio ceu minus amoenam & paucorum Lectorum captui accommodatam, nec Grotianam adoptavit, sed facili ac plane naturali ratione, prout ipsa se excipere videbatur argumentorum series, Jurisprudentiam exposuit Naturalem. Et licet socialitatis culturam pro principio Juris Naturalis adsumisset, propositionem tamen hanc fundamentalem sequentibus suis parcius substernit probationibus, propiora principia pro argumentorum indole & re nata adsumens. Compendium modo nominatum per longum satis temporis intervallum aptissimum fuit habitum, quo tanquam filo quodam Ariadnæ uterentur Professores, juventutem Academicam ad solidam & in praxi utilem Philosophiae Moralis cognitionem deducturi, multique fuerunt, qui illud suis illustrarunt commentariis.

§. XV.

In suis docuerant scriptis GROTIUS atque PUFENDORFIUS, egregias æquitatis regulas ac concinna morum præcepta in libris veterum Oratorum ac Poëtarum, Græcorum ac Romanorum, passim occurtere; quamobrem primi pilorum istorum æmuli superioris ævi Philosophi, vetusta hæc sapientia scrinia sedulo perlustrare, nec solum consulere Aristotelem, instituerunt. Factum hinc

hinc est, ut disciplina Moralis methodo quidem plana & in usum legentium grata in Academiis traderetur; sed quæ tamen consistentiam sibi propriam, & certitudinem, in qua mens acquiescit humana, consequi non potuit; quum eruditæ probationes dogmatum suorum allaturi, non tam principiorum rationis vel evidentiam vel legitimam scilicet connexione, quam potius centones sententiarum ex classicis sollicite conquisitarum Auctori bus, quæ ex eorum estimatione pondus & instar habebant, sollicite proponerent.

§. XVI.

Post hæc magnam in Academiis nominis celebritatem cum ob aliarum scientiarum, tum imprimis ob Philosophiae Moralis culturam nactus est CHRISTIANUS THOMASIUS, cuius placita magno a multis excepta fuerunt applausu. In tractatus sui de *Jurisprudentia Divina* Libro I. multam navavit operam, ut eorum retunderet tela, qui propositionem Juris Naturalis fundamentalem de socialitate colenda, a PUFENDORFIO explicatam, impugnare ausi fuerant. Majorem deinceps huic operi lamm adhibens, edidit *Fundamenta Juri's Naturæ & Gentium ex sensu communi deducta*, in quibus principia *Justi, honesti ac decori* probe distinguere allaboravit, & ad tenorem hujus distinctionis *Institutiones suas Jurisprudentiæ Divinæ* emendavit. Principio PUFENDORFII allato & a se probato arcte adeo inhæsit, ut quæcumque ex eodem derivari non possent, ea Juris Naturæ esse intrepide negaret, intra orbitam Juris Naturalis proinde non admittens officia erga nosmet ipsos & qua partem officia erga Deum, commonstrans utraque horum ex alio derivanda esse fonte. Hoc tamen suo conatu magis, ut

B

nobis

nobis videtur, principio Juris Naturalis, quam ipsi consuluit disciplinæ.

§. XVII.

Methodum Mathematicam tractandi disciplinam Moralem, in Academiis non quidem ignotam (a), attamen neglectam, in scenam Eruditorum magno apparatu produxit hujus seculi Philosophus, CHRISTIANUS WOLFIUS, qui totam Philosophiam methodo scientifica, sibi familiari, pertractavit, tantumque sibi applausum acquisivit, ut Philosophi, quotquot deinceps animum ad scribendum applicarent, solidi quid se praftituros per plura diffiderent iusta, nisi eandem æmularentur philosophandi rationem. Quocirca tamen observamus, quod methodus saepius nominata, prout a WOLFIO & hujus aedulis adhibetur, verbosiorē folummodo reddiderit Philosophiam Practicam, non ampliorem, nedum solidiorē. Cumulantur enim propositiones propositionibus; quæ adeo sunt evidentes, ut de earum veritate nemo sanus facile dubitaret, æque operose interdum demonstrantur, ac quæ perplexæ censentur, continuæque fere repetitiones demonstrationum, vix parum dissimilium, nauseam haud mediocrem plerisque pariunt Lectoribus. Addo, quod exempla, quæ illustrationis gratia in subiectis allegantur scholiis, pleraque sint desumpta a confictis personis, CAJO, TITIO, SEMPRONIO, quæ proinde Lectores vel ad sectandas virtutes, vel ad fugienda vita parum movent; adeoque disciplina Moralis methodo WOLFIANA pertractata, Scholæ, quam vitæ, aptior erit cenfenda. Quare etjam WOLFIUS in justam magni Borussorum Regis gl. m. FRIDERICI II. incurrit censuram. Quum enim WOLFIUS summo hujus seculi He-

goi

roi ac Principi sextum Juris Naturæ tomum, ipsi dicatum, misisset, spemque fecisset, alia adhuc volumina fore infecitura, Rex augustissimus scripta die 18 Junii 1746 epistola laudat quidem pertinacem Philosophi diligentiam, sed tamen ita concludit: Ich finde Eure herausgegebenen Bücher gewiss recht schön, gelebte und solide, allein Ich leugne nicht, dass mir solche, nach dem Gebrauch und Nutzen der meisten Leser, etwas zu weitläufig und zu stark scheinen, und glaube Ich ihr köntet in kleinen Werken und mit weniger Worten die nothigen Wahrheiten der Vernunft eben so gut zu erkennen geben, welches für den Leser vermutlich nach dem genie der meisten Menschen, angenehmer seyn würde (b). Imo, nisi per externam methodi formam sibi imponi quis patiatur, certe majorem probandi vim scriptis WOLFIANIS, quam PUFENDORFIANIS & hujus sequacium inesse non admittet; alioquin controversiae in Moralibus pridem agitatæ, per novum disciplinæ inductum habitum sotipæ dudum fuissent; cuius contrarium Historia docet Litteraria. Ratio autem, quare in reliquis Philosophiæ partibus ad eum certitudinis gradum, quo disciplinæ eminent Mathematicæ, non perveniamus per methodum scientificam, est in propatulo; quum enim inter demonstrandi principia primo loco ponantur definitiones, quæ in Mathesi sunt adstricti adeo usus, ut qui a recepta terminorum significatione recesserit, parum sobrius habeatur; in reliquis vero Philosophiæ partibus definitiones nominales censeantur arbitrarie; demonstrationes Geometricæ non posunt non prævalere eis, quæ in aliis occurunt disciplinis. Nec in hac diversitate adstruenda, diversa ratio quantitatis Physicæ & Moralis videtur reticenda, illa enim obvenit in materia sensibus obvia, qua sit, ut res ipsæ inter se comparari ac mensurari facile possint, hæc ex aestimatione En-

tium Intelligentium ac liberorum dependet, quare etjam de his anceps s^epe est judicium. Sic proportionem inter magnitudinem duarum linearum, quisque cui fanus est visus, perspicit, non vero æque expeditum est singulis, quamlibet actionum humanarum aberrationem percipere; quod tamen certitudini disciplinæ moralis non officit, ut nec Geometriæ pretium imminuit curvitas lineæ aut quantitatis variatio.

(a) Eruditorum animis diu inhæsit opinio, quod moralia ejus non essent indolis, ut in formam scientiarum possent reduci, cuius persuasionis duplex nobis obvenit cauſa, cum quod nulla demonstrationis vestigia in libris Ethicorum Aristotelis vel alius cuiusdam veterum auctorum conspicantur, tum quod Scholastici, Clero velificaturi Pontificio, aperte docerent, quod moralia demonstrationes non admittarent. Contra ea autem HERMANNUS CONRIGIUS in variis a se editis scriptis montuit, demonstrationes non minus in practica, quam in Theoretica, locum habere Philosophia; ipse autem manu tali non admovit operi. Paullo post ERHARDUS WEIGELIUS Mathematum in Academia Jenensi Professor, *Ethicam Euclideanam* a se nuncupatam edit, tentaturus, an dogmata moralia possent methodo demonstrari Mathematica. Aliis vero districtus negotiis SAMUELEM PUFENDORFIUM, qui sua institutione ac contubernio tunc utebatur, cohortatus est ad capessenda Juris Naturæ studia & methodum Mathematicam eis applicandam. Hic etiam anno 1660 edidit *Elementa Jurisprudentie Universalis*, methodo Mathematica a se consignata, quæ deinceps in altera eorundem editione Jenæ 1669 facta, auxit

appen-

appendice de Spbæra Morali, postea vero hanc methodum, ceu supra observavimus, deseruit.

(b) Vid. Svånska Mercurius pro an. 1756 Part. I. pag. 410, 411.

§. XVIII.

Alii præterea methodum ex rostris Academicis præponendi disciplinam Moralem adhibuerunt *Ajeticam*; de condendis terminorum definitionibus ac concinnandis propositionum demonstrationibus non solliciti, potius in virtutum excellentia & utilitate commendanda toti occupati, ut gustum in suis auditoribus ita excitarent moralem, atque hos non modo doctiores, sed præcipue meliores, redderent. Methodum hanc Socraticam inter recentioris ævi Philosophos excoluit Cel. C. F. GELLERT in suis prælectionibus Moralibus, & quidem magno & applausu & successu. De hoc moralia docendi modo sum am ita mentem explicat Auctor Libri, qui inscribitur: *Les Meurs: La science des mœurs est de sa nature une science de sentiment; lors qu'il est question de corriger des cœurs gâtés, il vaut mieux toucher que plaire, convaincre même n'est pas le point, dont il s'agit, vid. Præfationem libri nominati §. XI.*

§. XIX.

Præcipuos ita exposuimus modos, quibus Philosophi disciplinam tractarunt Moralem, plures addituri observationes, si prolixiorem disquisitionem instituti pateretur ratio: coronidis tamen loco breviter dicemus, quomodo memorata disciplina optime, saltem ex nostra opinione, possit proponi. Quum Philosophia Moralis ex sua indole talia continere debeat dogmata, ex quibus moralitas actionum humanarum in casibus obviis clare patescit, propositiones singulæ idoneis ita muniendæ sunt probatio-

tionibus, ut lectores veritatem earum non solum percipiant, sed insuper factorum cum suo statu, vel felici vel infelici, nexus excitati, nihil unquam eorum, quæ lex præcipit, intermittant, nec quidquam sibi permittant, quod rationi ac legi repugnet. Et quoniam primas ac præcipuas in demonstrando partes tenent definitiones, hæ ita sunt adornandæ, ut planæ sint ac communi loquendi usui convenient; alioquin facilis erit in controversias lapsus, a quibus modesta nostra ac pacifera disciplina profrus abhorret. His annexenda sunt axiomata & experientia, utraque adeo plana & perspicua, ut rationi & sensui in nobis morali consentiant. Nec tamen, quod præclarum multi censent eruditæ, in eo elaboremus, ut ex unica propositione fundamentali quævis resolvamus problemata, sed tot assumamus principia, quot substra ta requirat materia, modo sint genuina, evidenter ac domestica; diversa enim objecta unum non admittunt principium, diversus status diversas postulat regulas. Rejicit quidem hæc demonstrationum fundamenta MASCOVIUS, sed sufficienti non nixus ratione, dum ita scribit: *Frustra heic (in opere PUFENDORFIANO) Geometrarum axiomata, theoremata & corollaria quæsueris; desunt enim hæc spinæ hor to nostro, & cum eis, quicquid apud Geometras tripli & aridum est, quorum loco omnia hic naturali pulcritudine evanescunt (a).* Sed de materia demonstrationum satis est dictum; quod ad formam attinet, certe methodus WOLFIANA nobis minus placet. Si enim artificis est, quod vulgo præcipitur, suam celare artem, Philosophus propositiones morales concinna adeo ratione probabit, ut naturalis cogitationum ordo & continuus earum nexus Lectorem delectent ac confirmant peritum, nec imperito nauseam moveant. Stilum quoque adhibeat planum ac castigatum, nec subtilitatibus sive ontologicis sive Psychologicis sese immersat, memor, quod subtilia magis prodant ingenium inclarescendi cupidum, quam animum felicitatis aliorum promovendæ studiosum, nec non quod ea, quæ a captu lectorum sunt remota, confundant, plana autem & evidenter ad praxin deducant. Et ut paucis præcidam: si methodus scientifica WOLFIANA in disciplina adhibeatur morali, periculum est ne multi tam virtutem, quam Philosophiam morum propter vestitum, cuius pretium in laxitate potissimum consistit, admodum negligant. Forma igitur discipline nostræ sit simplex, sed decora, non barbara, non pomposa, ut virtus mirabiles sui amores excitet, ejusque flammis si minus omnium, plerorumque tamen hominum, quod animitus vovemus, incandescent pectora.

(a) Vid. *Præfationem ad librum PUFFENDORFI de jure naturæ & Gentium.* p. IX,

S. D. G.